



Universitätsbibliothek Paderborn

**Psevdo-Poenitens Correctvs. Sive Doctrina Ecclesiæ
Catholicæ, & Sanctorum, solemniorūmque Doctorum, De
Vera Poenitentia ...**

Dionysius <aus Werle>

Coloniæ Agrippinæ, 1692

Cap. 10. De veræ Co[n]tritionis, inclusiq[ue] in eâ propositi efficacis &
absoluti difficultate & raritate (ac per consequens de salvandorum
paucitate) juxta Protestantium doctrin[am].

urn:nbn:de:hbz:466:1-41634

statim dicto non contendunt intrare ;
sed vanam falsamque pœnitentiam ,
nihil angustiæ, arctitudinis, contentio-
nis, aut laboris habentem; atque Con-
tritione phantasticâ , & frigidâ con-
fessione constantem agunt; & justo Dei
judicio in ultimo quoque mortis ago-
ne meliorem non agent.

CAPUT X.

*De verae Contritionis, inclusique in
eâ propositi efficacis & absoluti dif-
ficultate & raritate (ac per conse-
quens de salvandorum pauci-
tate) juxta Protestantium
doctrinam.*

I. **C**ONRADUS HORNEJUS,
*celeberrimus in Universitate
Helmstad Doctor, & Prof. publ. in Com-
pendio Theologiae posthumo, Bruns-
viga anno 1655. typis excuso, lib. 2. c. 4.*

num.

num. 199. docet, quod RES DIFFICILIS sit, recte peccata sua agnoscere , seu verè pœnitere ; quodque optimè dicat S. BERNARDUS de triplici misericordia, & 4. miserationibus, qui est 13. de Diversis : Quis scindet duritiam istam (*Cordis nostri*) nisi qui passione suâ petras scidit ? Quis dabit cor pœnitens , nisi à quo est omne datum optimum ? ... Difficilis prorsus res , & soli divinæ virtuti possibilis, suscepsum semel peccati jugum à cervicibus excutere ; quoniam, qui facit peccatum, servus est peccati ; nec potest iam liberari, nisi in manu fortis.

II. Hisque ex S. Bernhardatis ibidem post paucas subdit Hornejus: Unde Deus cum primis seriò orandus est , ut cor pœnitens nobis donet ; & magno studio sibi ipsi homo etiam atque etiam discutiendus, ut seriò & bonâ fide peccata sua agnoscat & detestetur.

III. Numero autem 103. SOEPIS-

SIME, inquit, contingit, homines ita

certis peccatis addictos esse, ut, quamvis cetera detestentur & relinquant ista tamen relinquere sibi non propo-
nunt; adeoque nec universalem dispi-
centiam omnium suorum peccatorum
habeant: Quocirca nec tales revera
contriti sunt haec tenus; sed iis tam diu
in animo suo frangendo, atterendo, seu
contundendo procedendum est, donec
Domino adjuvante ad universalem illam
displacentiam veniant; sicut haec recte
THOMAS ARGENTINAS hic
monet.

IV. *Num. 104.* Requiritur propositum desistendi ab omnibus peccatis haec tenus admissis, non infirmum tan-
tum & conditionatum, sed **FIRMUM**
ET ABSOLUTUM. Non itaque est
vera **Contritio**, cum eo pacto cuiquam
peccatum displicet, ac de eo dolet, ut
desistere tamen ab illo non simpliciter,
sed ita tantum cogitet, si modò
possit; nec vitæ statum, in quo necessa-
riò sic peccat, mutare; sed in eo perma-
nere

nere cupiat : Cum hæc non voluntas desistendi à peccato, sed Velleitas tantum aliqua sit. &c.

V. *Num. 105.* Non est vera Contritio , cum quis propositum desistendi à peccatis omnibus quidem & absolutum habet; sed tale. ut, an SEMPER ea vitare deinceps velit , an aliquamdiu tantum, incertus sit ; sed tum demum, cum desistere AB OMNIBUS TOTALITA VITA cupit. *I. Petr. 4. v. 1. 2. & 3.*

VI. *Num. 106.* Non sufficit ad veram Contritionem , ut peccata , quæ quis perpetravit , deinceps & semper aliqua & qualicunque cura fugere & evitare velit ; sed (*requiritur*) UT STUDIO ET INDUSTRIA OMNIUM MAXIMA id agere sibi proponat ; ita, ut cujusvis alius boni jaeturam potius facere , & quævis mala subire paratus sit, quam ut se illis vicissim dedat: Nam qui ita tantum cavere ea imposterum constituit, ut Deum offendere denuò nolit , nisi vel magnum ea re commodum

dum aut dignitatem sibi comparare ;
vel magnum aliquod malum , incom-
modum aut periculum declinare pos-
sit ; is nec toto corde ad Deum con-
vertitur ; nec tale propositum vitandi
peccata habet, quale debet : Nec enim
ullum malum , & ne mors quidem ipsa
ita metuenda est , atque Dei offensa.
Luc. 14. v. 26.

VII. *Num. 107.* jam dicta recapitu-
lans docet, ad id { ut quis verè contritus
ac pœnitens dicatur } non sufficere, si
cui peccata quidem sua displiceant ;
sed emendationem eorum nullam sibi
ABSOLUTE ET FIRMITER pro-
ponat ; vel ita de uno criminе doleat,
et ab eo desistere cupiat , ut interim
in aliis perseverare non dubitet ; vel
omnia quidem detestetur , omnia item
relinquerē & cavere deinceps constitu-
at; **AT NEC SEMPER, NEC STU-**
DIO MAXIMO, sed ad tempus so-
lūm; quantum per mundi hujus illece-
bras & cupiditates suas possit ; verūm
ad

ad illud necessariò requiri, ut absolute
& simpliciter omnibus illis renunciet;
semper etiam deinceps ea cavere, &
studio maximo constituat.

VIII. *Num. denique 199. jam supra citato addit Hornejus, MULTOS reperiri, qui rectè se pœnitentiam agere vel egisse censeant; & proinde remissio nem peccatorum vel certè jam consecutos, vel se consecuturos esse sibi persuadeant; cum nihil minus fecerint; adeoque nec veniam consecuti sint; nec consequi, dum tales sunt, posint. Hæc ille, hactenus per omnia rectè & Catholice, docet.*

IX. JACOBUS KÆSEBERGIUS,
superintendens Burgtorpiensis, in disput. de Pœnitentia, & art. 12. Confessionis Aug. num. II. anno 1670. docuit f. serilia;
& Additamento 7. in multis, inquit, iteratur Absolutio à Pastoribus; at non absolvuntur.

X. POLYCARPUS LYSERUS,
aulæ Electoralis Saxonicae Concionator,

tor, ac permagnæ apud Protestantes
authoritatis, Concionum Catecheti-
carum parte 3. (quam CHRISTIA-
NISMVM appellat) concione 3. pun-
cto 1. docet, quod dolor de commis-
peccatis debeat esse dolorum omnium,
quos quidem in hoc mundo sustinere
quis posset, summus & maximus; quod-
que proinde homo de iisdem peccatis suis
in corde suo non minùs, immò multò
acerbius contristari, affligi, anxiari &
excruciari debeat, quam si à carnifice in
Catastā crudelissimè cedere tñr, vel ab
eodem in equaleo distentus, dirissime
sorqueretur. Propria LYSERI [à totâ
facultate Theologicâ Lipsiensi anno
1595. in præfatione summè laudati]
Verba sunt ista : der Schmerz über
die begangne Sünde soll der höchste
und größte Schmerz seyn, den der
Mensch in dieser Welt erdulden
mögte: und solle demnach über die be-
gangenen Misshandlungen nicht we-
niger betrübt seyn/auch nicht geringere
Schmerz

Schmerzen tragen ; oder sichs in sei-
nem Herzen dermassen kränken las-
sen / als wan einen der Scharfrichter
am Halteisen geisselte / oder sonst
auff der Folterbank reckete und mar-
tete dan so hart einen solche abscheu-
liche Pein an seinem Leib ängstigen
mögte ; so hart / und viel härter
soll einen diese Angst und Schrecken /
so einem wegen der Sünden zusehet /
im Herzen / und an der Seele quählen.

XI. Ipsi quoque symbolici Protestan-
tium libri docent , ad veram Contritio-
nem (in verā pœnitentiā nunquam non
necessariam) requiri (a) horribiles
terrores ac dolores , QVALES [b]
SVNT MORIENTIVM ; immo &
(c) SENSVM MORTIS : voluntque
[a] vindictam & pœnam in verā pœni-
tentiā necessariam , esse horribiles illos
terrores conscientiæ , de quibus ait
David : Circumdederunt me dolores
mortis ; & addunt : (a) Quis non malit
loricatus & cataphractus querere tem-

plum

plum Jacobi, Basiliacum Petri & Pauli &c. quām sustinere illam ineffabilem vim doloris, quæ est (NB.) etiam in mediocribus, si sit vera pœnitentia? ita *Apologia Confessionis Augustanae* (a) Tit. de *Confessione & satisfact.* §. sed obijciunt. (b) Eadem, Tit. de Pœnit. §. Paulus ferè ubique. [c] *Articulorum Smalcald* parte 3. artic. 3. de Pœnitentia.

XII. Sed, vel hec doctrina est falsa, vel ipsimet Protestantes cogunt ut fateri, quod vel nullus, vel vix aliquis apud eos veram pœnitentiam agat, atque salvetur; *Quandoquidem nemo auderit afferere; quod horribiles morientium terrores atque dolores, ipsiusque mortis sensum in sua pœnitentia fuerit unquam expertus; quodque maluisse loricatus & cataphractus templum S. Jacobi, Compostelle in extremis Hispaniarum finibus, & in Africæ confiniis situm, per intensissimos, quales ibi sunt, calores illuc peregrinando, querere; imino & à carnifice in catastâ cœdi,*

at
ne
Pi
ni
di
ta
ci
q
ii
lo
C
si
ti
bi
n
si
n
d
c
q
t

atque

atque in equuleo torqueri, quam sustinere illam ineffabilem vim doloris. Profectò ; si illam Protestantes in sua pœnitentia sentirent, non posset eadem non à coabitantibus Catholicis aliquando diebus illis, quando confiteri solent, notari : Nec esset apud eos ideo frequens citusque in peccata relapsus.

XIII. Notet verò benevolus Lector, quod Catholicorum in negotio Pœnitentia doctrina sit multo suavior, & praxis longè facilior, quam Protestantum : Quamvis enim David habuerit intensissimum, vehementissimumque contritionis dolorem (Ne quid de horribilis illis morientium terroribus dicam) non tamen sequitur, nec ullibi legitur in scriptura , Peccatoribus ad evitandam mortem aeternam ineffabilem vim doloris, etiam cum Absolutione. simpli- citer necessarium esse [multo minus ; quod ad hoc horribiles illi morientium terrores sint requisiti] Quandoquidem vera pœnitentia plures admitit gra-
dus,

dus, quorum alius est alio perfectior; Potestque pœnitentia admodum infirma & imperfecta nihilominus esse vera; traditisque ab Ecclesia & universa antiquitate modis, etiam post Absolutionem; immo post ipsam adeo mortem suppleri ac compensari. Quos quidem supplendi ac compensandi modos dum inconsulte pernegant Protestantes, ejusmodi doctrinam sibi patiuntur obtrudi, ex qua per evidentem consequentiam sequitur, eos omnes, vix aliquo adulorum rationis usu gaudentium, & non valde simpliciūm excepto, in aeternum damnari.

Qui verò ob Dei offendam, ejusdem unius causa, gravius affligitur animo, quam affligeretur corpore, si à carnifice in equuleo distentus dirissimè torqueretur; vel, si loricatus & cataphractus.

lido errata Denique eorum, qui se Reformatos appellant, de verâ tam inquam exteriorē pœnitentiâ [verè & juxta eosdem rarissimâ] sententiam vide supra cap. I. art. 5. num. 3. 4. & 5.

Finis.

AD.